



JABATAN PERKHIDMATAN VETERINAR MALAYSIA

LAPORAN LIPUTAN MEDIA

24 Julai 2020

1. Lembu jadi mangsa; Harian Metro
2. Lelaki tetak lembu didenda RM30,000; Kosmo

OLEH:

**SEKSYEN KOMUNIKASI KORPORAT DAN ANTARABANGSA
BAHAGIAN PERANCANGAN
JABATAN PERKHIDMATAN VETERINAR MALAYSIA**

KERATAN AKHBAR

Tarikh: 24 Julai 2020

Media Cetak/Elektronik	Lembu jadi mangsa	Catatan:
Ruangan	Harian Metro	
M/Surat	2	
Perkara	Kebajikan Haiwan	

Lembu jadi mangsa

Buruh mengaku tetak ternakan sepuu didenda RM30,000

Oleh Nurul Fatihah Sulaini
am@hmetro.com.my

Besut

Perbuan kejam seorang buruh menetak seekor lembu dengan sebilah parang membawa padah apabila dia dijatuhi hukuman denda RM30,000 di Mahkamah Sesyen di sini, semalam.

Hakim Wan Azimah Yacob membuat keputusan itu selepas Adnan Muhammad, 36, mengaku bersalah selepas kertas pertuduhan dibaca terhadapnya.

Mengikut kertas pertuduhan, lelaki itu didakwa melakukan perbuatan kejam mendera hingga menyebabkan kesakitan yang tidak sepatutnya terhadap seekor lembu milik sepupunya.

Kesalahannya dilakukan di Kampung Gerai Muda, Jertih, Besut, kira-kira jam 6 pagi pada 21 Julai lalu.

Pertuduhan dibuat mengikut Seksyen 29(1)(e) Akta Kebajikan Haiwan 2015 (Akta 77) dan boleh dihukum di bawah Seksyen 29 (1) akta sama.

Jika sabit kesalahan boleh didenda tidak kurang RM20,000 dan tidak lebih RM100,000 atau dipenjara tidak lebih tiga tahun atau kedua-duanya.

Pendakwaan dijalankan Pegawai Pendakwa Jabatan Perkhidmatan Veterinar (JPV) Terengganu, Mohd Shahihan Mohd Tahar manakala tertuduh tidak diwakili peguam.

Wan Azimah ketika membacakan keputusan berkata, tindakan tertuduh melakukan perbuatan itu tidak menggambarkan sifat perikemanusiaan.

"Setiap makhluk yang bernyawa akan rasa sakit bila dilakukan seperti itu, daripada gambar juga dapat rasa binatang itu menanggung kesakitan."

"Sikap kejam dengan guna senjata dan kekerasan



ADNAN didenda RM30,000 atau 12 bulan penjara jika gagal membayar denda berkenaan.

RM3,500

Nilai lembu berusia dua tahun yang ditetak

denda berkenaan.

Mahkamah juga mengarahan lembu itu diserahkan kepada pemiliknya selepas menjalani rawatan

dan barang kes iaitu sebilah parang dilupuskan.

Sementara itu, Mohd Shahihan yang ditemui selepas prosiding berkata, tertuduh mencerderkan lembu berkenaan dengan menetak haiwan itu di bahagian belakang, punggung dan kepala.

"Lembu berusia dua tahun dianggarkan bernilai RM3,500 dengan berat 150 kilogram sepatutnya akan dijadikan lembu korban pada Aidiladha ini," katanya.



LEMBU korban yang ditetak diberi rawatan di pejabat JPV Daerah Besut, semalam.

KERATAN AKHBAR

Tarikh: 24 Julai 2020

Media Cetak/Elektronik	Lelaki tetak lembu didenda RM30,000	Catatan:
Ruangan	Kosmo	
M/Surat	17	
Perkara	Kebajikan Haiwan	



ADNAN (tengah) dibawa keluar dari kamar mahkamah selepas didenda RM30,000 kerana mencederakan seekor lembu di Mahkamah Sesyen Besut semalam.

Lelaki tetak lembu didenda RM30,000

Oleh MOHD. AZLI ADLAN

BESUT – Perbuatan kejam seorang buruh yang sanggup menebak seekor lembu yang sepaututnya dikorbankan pada Aidiladha ini berbalas apabila dia didenda RM30,000 oleh Mahkamah Sesyen di sini semalam.

Hakim Wan Azimah Yaacob memerintahkan hukuman demikian apabila Adnan Muhammad, 37, membuat pengakuan bersalah selepas pertuduhan dibacakan.

"Perbuatan kejam tertuduh tidak mencerminkan sikap ke manusia dan tidak harus dibiarakan.

"Mendatangkan trauma kepada haiwan (lembu) itu kerana setiap yang bernyawa pasti merasa kesakitan biar pun tidak mempunyai akal," katanya sebelum membacakan penghakimannya.

Wan Azimah juga mengarahkan tertuduh menjalani hukuman penjara tambahan 12 bulan sekiranya gagal membayar denda tersebut.

Adnan gagal membayar denda dan dihantar untuk menjalani hu-



ANGGOTA Jabatan Veterinar sedang memeriksa kecederaan seekor lembu yang didera Adnan di Jabatan Veterinar Besut, Kampung Raja, Besut semalam.

kuman penjara di Penjara Marang. Berdasarkan pertuduhan, dia didakwa menetek seekor lembu jantan dengan sebilah parang sehingga menyebabkan kecederaan parah pada bahagian ekor, punggung dan kepala haiwan berkenaan.

Adnan menyerang lembu jantan berusia dua tahun kerana tidak berpuas hati dengan pemilik lembu itu yang juga sepupunya.

Tertuduh didakwa melakukan perbuatan itu di tepi sebuah kan-

dang lembu di Kampung Gerai Muda, Jerteh di sini pada pukul 6 pagi, 21 Julai lalu.

Pemiliknya bercadang untuk menyembelih lembu seberat 150 kilogram itu sebagai ibadah korban pada Aidiladha yang akan disambut pada 31 Julai ini.

Tertuduh didakwa mengikut Seksyen 29 (1) (e) Akta Kebajikan Haiwan 2015 yang memperuntukkan hukuman denda antara RM20,000 hingga RM100,000 atau penjara maksimum tiga tahun jika sabit kesalan.